

山右石刻叢編

山右石刻叢編卷十

賜進士出身頭品頂戴總督部堂兼理院右副都御史巡撫山西兼管提督政印務制太原城守尉門胡驥之詞

唐

謁二賢墓詩

石高三尺一寸九分廣四寸九分王惲詩三行行二十  
字又丁約題記一行行六十三字均正書今在永濟縣  
敬謁二賢林墓

王惲載拜

遠避東鄰虐還遮北伐頻讓賢生去國扣馬死成仁  
落日悲歌壯東風紫巖春一饑雖可療終媿是商臣

易公塢來立石凡留祠下二日

同光元年歲次癸未朔五月甲辰二日乙巳護國軍節度  
押衙充衙內右弓箭指揮使銀青光祿大夫檢校尚書石

僕射兼御史大夫上柱國丁約重建立廟宇故題

按永濟縣志二賢祠有唐丁約立石卽此碑碑題同光元

年五月乙巳護國軍節度押衙充衙內右弓箭使銀青光

祿大夫檢校尚書右僕射兼御史大夫上柱國丁約重建

廟宇故題按唐梁昇卿伯夷叔齊碑廟爲開元縣宰太原

王公所建合此碑證之是至約復修約爲護國節度押衙

通鑑梁乾化二年八月有護國節度使

唐書方鎮表光啟元年河中賜號護

國軍朱友謙同光元年十一月癸卯河中節度使朱友謙入

朝乙巳賜姓名曰李繼麟然則約者繼麟押衙也一牙校

而加官至僕射

唐人謂僕射爲師長百僚

亦唐季五代之制碑前有元

王憚題詩按元史憚傳憚嘗爲平陽總管府經歷永濟縣

志憚登鵲雀樓記至元壬申三月來官晉府因喜曰蒲爲

屬郡季得乘驛檢効十月戊寅奉堂移按事此州今碑題  
敬謁二賢墓必憚按事蒲州時作

李存進碑

碑高八尺九寸廣三尺四寸三十九  
行行九十字正書今在太原縣鄭村

□□□□武節度麟勝朔等州觀察處置營田□蕃落等使  
單于安北都護行營蕃漢馬□□□□□□軍

井序

前幽州節度判官朝散大夫檢校尚□吏□□□兼御史  
中丞柱國賜紫金魚袋呂夢奇撰

節度□□□太原府祗曹參軍試太子校書梁邕書并

篆□

原夫

古先哲

王必有良輔時清則論至道以經邦和陰陽而

均造化柱石

王

室使不顛不

危世亂則運沉機而料敵廓烟

塵而掃蕪穢蕃屏

皇家俾可遠可大故有書汗簡勒金石皆

紀其功德及

於社稷生靈者

公諱存進字光

嗣本姓孫氏樂安人也武子之後歷世守職

邊上因以家焉

曾祖嚴振武

節度都押衙

銀青光祿大夫檢

校右散騎

常侍兼

御史大夫祖金紫

光祿大夫守

勝州刺史

檢校刑部尚書兼御史大夫上柱國□父佺振武節度押衙

左教練使銀青光祿大夫檢校左散騎常侍兼御史大夫上

柱國

公業紹

箕裘

力便弓馬

入蛟橋

而振譽探虎穴以知名

氣

直如弦心堅比鐵

獻祖文皇帝龍潛朔野豹隱雲中常以鷹虞為心平戎是務

以公早精劍術素熟兵機肘腋之

間爪牙

為任時或手持

雙戟

屬兩

院營開而紫塞風清

戰

罷而金浪耀日

太祖武皇帝嗣承

丕構致力中原屬以天步多艱王

室如燬枕戈求敵奮劍邁征平

大寇而復九重戮叛臣而清

三輔以

公生

知

武畧早立戰功

委以

簡鈴

頗著

勞績尋補

節度押衙左廂衙隊威雄第一

院

副兵馬使奏授銀青光祿

大夫檢校太子賓客兼監

察

御史上柱國大順元年遷殿中

侍御史

景

福二年五月

太祖武皇帝以公性

稟

①和言無

矯飾

勇能排難忠不病國

錫以姓名同之骨肉榮

連戚屬光生將門永依盤石之安終賴維城之固尋補充右

廂義兒第一院

軍

使除授銀青光祿大夫檢校

國子祭

酒兼

御史大夫軋

二年十月

除授檢校左散

騎

常侍

光

化二年

二月授

右廂行營

馬步虞候

三年

正月

兼

授鴈門

以

北都知

兵馬使永安軍使兼守禦都指揮使五月權知汾州軍州事

兼守禦都指揮使四年四月轉充右廂衛隊都知兵馬使公

以累立戰勲繼承天澤勤王在念報主為心夙

夜在公風雨如晦至天復元年四月除授金紫光祿大夫檢

校刑部尚書兼御史大夫上柱國二年三月除授檢校兵部

尚書十月加授檢校尚書左僕射三年八月轉左廂衛隊都

知兵馬使兼左廂行營馬步都虞候天復三年正月奉

命權知石州軍州事時以慈隰州未歸西南為患委之守

郡志在安邊公乃和以養兵仁而撫俗輕其徭役勸以耕

農惇養者由是遂生通竄者以之復業遠來近悅老少懷

五穀有年一方無事百姓以為召父復出杜母再生洎今昭

文睿武光孝皇帝初承願命之年以公勳臣元老委以

腹心送往事居慎終如始尋以家讐未雪國患已深四方每

協於經營中土尚稽於平定知公謀是出將相有封侯必

當多難之秋能立盡忠之節五年正月制授檢校司空使持

節石州諸軍事守石州刺史七年十月轉充右廂步軍都指

揮使八年十二月轉授權行營蕃漢馬步都虞侯尋以偽梁

大舉兇鋒僭據深冀正定告倒懸之急并汾興仗順之師主

上以公入戰多謀雄名制敵俾之扈從同救險危十萬兇

徒一陣席卷九年正月奉命再知汾州軍州事四月

制加光祿大夫檢校司徒十二月授西南行營招討都指揮

使十一年三月收下慈州秋毫不犯百姓復業三農以時制

授慈州刺史民歌其化如離石焉十二月奉命權知

沁州軍州事五月正授諸道行營蕃漢馬步使時以魏人久

厭偽庭咸思真主烽煙相屬星使交馳迎我鸞輿以



救塗炭泊

主上駐蹕在鄴以編部未肅都人未

安親征常令預備將委權略罕得其人以公夙著廉勤素

有威望九月補天雄軍都部署巡檢使行營蕃漢馬步使仍

舊公稟命益恭守法益謹嚴以理下檢以約身犯者必誅惡

者自息強豪貴勢聞之凜然偽將劉鄂在莘縣日與

主上對壘經年時公在都城每協嚴備有日私謂人曰此

賊固險不戰必有多謀俾於南門多排弓弩以待之其夜果

有劉鄂賊黨偏攻都城南門弓弩齊發死傷者甚衆遂令單

騎潛報

主上於東寨於是口師盡出及旦兩軍相遇於中途五口口

口勦戮將盡口劉口遁而獲免夫破大口口口口口口口口口口

之神功也守都城口公之口口口口口口口口口口轉左廂步軍

都指揮使二〇奉

命權蕃漢馬步副惣〇〇聖上初

收陽留鎮以為將取中原先通古度防邊固圉非公不可尋

留公在鎮

守禦

公以岸闊

舟

遲城孤兵少強敵在近奔衝

是虞乃

浚彼壕隍增其橫堞力未罷果

有大寇

攻城內備既

堅群盜尋退

十五年

冬隨

駕至胡柳陂大破汴寇迺十六年三月制授單于安北都護

御史大夫充振武節度麟勝朔等州觀察處置營田押蕃漢

等使時駕幸德勝寨上以大寇未平

黃

河是阻貌貅往復舟

楫為勞一

出義

師數日

方濟

公乃埋大木於兩岸貫輕舟

於中河建作浮橋以過銳旅力排巨浪斷截洪流扼彼咽喉

壯我襟帶遂使六軍萬馬朝出暮還動若疾雷履如平地

七年二月

主上賞公之功就加特進檢校太保

仍賜御衣鞍馬金銀器物綾羅錦綵等三月授天雄軍馬步

都指揮使行營蕃漢馬步使仍舊十九年正月

主上以契丹犯境

鑾駕親征以

公計出萬全謀深

九拒留

公河次以禦奸兇果偽將段某

領兵攻打德勝寨

公乃夜警晨嚴出關內備三軍戮力万人一心泊

主上凱還寇孽夜遁二月以公之功加特進檢校太傅

隴西郡開國男食邑三百戶當年鎮州有不令之臣張文禮

弑其主而擄其位潛

通梁苑

默構契丹背

我聖恩恣彼凶德

主上以北門猶梗中國未寧

憤為患於腹心志先平其巢穴

王師繼發廟算

頻施殺戮雖

多攻取未下以

公聞

風料敵嗅土知兵尋付

睿謀俾就攻討四月授北面行營都招討使

公奉辭伐罪

固敵是求乃仗鉞而行鑿門而出戈矛雪□甲騎雲飛發振

地之威聲動踰漳水布連天之殺氣直渡瀋川增其嚴營對

彼孤壘料於旬日以下危城無何伏鷄搏狸乳犬噬虎我師

未列彼陣先成公乃獨領親軍迎鋒力戰王師提

唯公乘勝深入為流矢所中身終於陣享年六十八於戲

功已垂成命不相待陳安既往遠傳國士之名卞壺不迴永

盡忠臣之節扶傾柱折濟險舟沉

天子聞之輟朝百姓聞之罷市夫生受國恩歿於王

事大丈夫之終也同光二年冬十月贈太尉以十一月八日

葬于太原縣大夏鄉鄭村東原禮也夫人彭城劉氏聞立

德約禮成規夫人渤海金氏素稟全儀生知懿範柔順同符

乎坤道賢和共垂於家風有子七人長曰漢韶河東節度押

衙都罕城使兼右廂五院指揮使金紫光祿大夫檢校兵部尚書兼御史大夫上柱國

人讀

兵書頗精師律謙恭

接下廉

謹立身戰勝而口不言功任重而心益為懼仁孝既聞於鄉里忠勤復表於旂常蘊茲全才以固都邑次日漢威河東節度押衙安國軍馬步軍副指揮使

都罕

城使銀青光祿大夫

檢校工部尚書兼御史大夫上柱國

玉堂演術金櫃傳

符亟

揚破敵之功深得將兵之妙次日漢殷前振武節度押衙汾河五鎮都知兵馬使銀青光祿大夫檢校左散騎常侍兼御史大夫素蘊直誠早抱雄

節飾身

以文武之道

交人以忠信

之心次日漢郇河東節度

隨衙兵馬

使銀青光祿大夫檢校

左散騎常侍兼御史大夫孝敬因心忠直成性交遊不雜言行相符次日漢筠前振武節度單于安北都護府司馬器度

縱橫識畧孤遠就書求道處約持謙樂勝廟先人後已次

日樣兒語多頓悟似有神通適當懷橘之年自立成人之智

次曰歎兒神彩疏通骨氣青秀對日之年未逮摩天之勢已

高可謂荀氏八龍賈生三虎併生於德門者也夢奇舊忝故

惣管令公幕下十五年常在征行與公同處營寨熟

公之知眷見公之事諸子弟不以虛薄請染柔毫敢竭荒

蕪實叙銘勒庶比夫燕然立碣峴首豐碑復旌上將之勲再

墮行人之淚其銘曰

五嶽降靈四瀆騰精雄才英傑為師為生舟以濟險柱以扶

傾手撥禍亂力致昇平其婉畫頻施嘉謀展協德懋九歌寵

深三接續派天潢連芳玉葉出則奉辭入必獻德其量深謀

遠才高氣孤強皇義勇偶儻雄圖臂上繁弱腰間韞轡聲馳

絕塞勢懾群胡其經以斯文緯以我武柔亦不茹剛亦不吐

名高若廬力大如虎鐵石一心魚水三主其離石作牧西南

之成威以風行惠以雲布直者必舉枉者必措俗稱二天人

歌五袴其化行四郡恩被百姓吏守公平獄無冤橫冰壺之

瑩水鏡之淨善人為邦室家相慶六其得位為大守之為難經

巡務重制斷事繁威而不猛嚴而不殘其郊邪氣懾豪右心寒

其楊留初下渡口是防百樓備險九拒謀長城高如金墉浚

如湯摧敵叛寇拓土開疆其天子恩深將軍戰苦仗節擁

麾分茅列土作鎮單于以扼窮虜其行不獨千古其九

曲連天隔彼寇黨白浪崩騰洪流混濊造舟為梁其雲河廣

謀而後行利有攸往其煙城未滅力戰酬恩歿而後已其

桓桓上將弼我元后馮聖大樹周居細柳忠不負名勇不期

壽天長

地長勳庸不朽其

三

按碑題前幽州節度判官朝散大夫檢校尚書吏闕兼御  
史中丞呂夢奇撰前太原府戶曹參軍試太子校書梁邕  
書并篆額按撰人呂夢奇前幽州節度判官唐志節度使  
下判官二人書人梁邕太原府戶曹參軍唐志太原府與  
京兆河南三府上功倉戶兵法士六曹參軍各二人正七  
品朝散大夫正六品文散官御史中丞上第五品職事官  
柱國上第三品勳官太原府諸曹參軍上第八品太子校  
書正九品碑云公諱存進字光嗣本姓孫氏樂安人新五  
代史記義兒傳存進振武人本姓孫名重進碑舉樂安係  
孫氏郡望存進實振武人當從傳碑云曾祖嚴振武節度  
關衙銀青光祿大夫檢校右散騎常侍兼御史大夫祖金



紫光祿大夫守勝州刺史父佺振武押衙左教練使銀青光祿大夫舊五代史存進振武人本姓孫名重進父佺世吏單于府與碑合碑云公業紹箕裘力便弓馬獻祖文皇帝龍潛朔野豹隱雲中以公早精劍術素熟兵機肘腋之間爪牙是任舊存進傳初仕嵐州刺史湯羣爲部校獻祖誅羣乃事武皇從入關還鎮太原署衙職碑所云獻祖任以爪牙者當指殺湯羣後爲部校事湯羣又見通鑑碑云太祖武皇帝平大寇而復九重戮叛臣而清三輔以公補節度押衙左廂衙隊威雄第一院副兵馬使卽舊傳授牙職事碑又云景福二年五月武皇帝錫以姓名同之骨月尋補充右廂義兒第一院軍使授檢校國子祭酒兼御史大夫乾甯二年十月除檢校左散騎常侍舊傳景福中爲

義兒軍使賜姓名從討王行瑜以功授檢校常侍皆與碑  
合惟舊傳尙有與李嗣昭同破王珙於河南事而碑無之  
碑云光化二年二月授右廂行營馬步都虞候三年正月  
兼授雁門以北都知兵馬使永安軍使云云五月權知汾  
州軍州事四年四月轉右廂衙隊都知兵馬使天復元年四  
月授金紫光祿大夫檢校刑部尙書二年十月加授檢校  
尙書左僕射三年八月轉左廂衙隊都知兵馬使三年正  
月權知石州軍州事五年正月授檢校司空石州刺史舊  
傳光化三年契丹犯塞寇雲中改永州軍使雁門以北都  
知兵馬使天祐初敗氏叔琮前軍於洞渦三年授石州刺  
史按舊傳述存進所涖官任不及此碑之詳而討王行瑜  
破王珙氏叔琮事則又爲此碑所略可互證也

永州軍使  
當從碑作

永安三年正月權知石州碑云七年十月轉充右廂步軍

都指揮使八年十二月轉授行營馬步都虞候舊傳莊宗

初嗣位入爲步軍右廂都指揮使檢校司空據碑則五年正月授司空

石刺不在授步軍右都時師出井陘授行營馬步都虞候破汴軍於柏

鄉論功授汾州刺史檢校司徒按舊史本紀天祐七年十

一月鎮州王鎔求援遣周德威屯於趙州此卽碑云師出

井陘時舊傳破汴軍於柏鄉卽碑所云十萬兇徒一陣席

捲者碑云九年正月再知汾州軍州事四月制加光祿大

夫檢校司徒十二月授西南面行營都招討指揮使十一

年二月收下慈州校碑作知汾州軍州事傳作汾州刺史十二月知沁州軍

州事五月正授諸道行營蕃漢馬步使按舊傳俄兼西南

面行營招討使出師收慈州授慈沁二州刺史以碑考之

實知慈沁二州事當從碑碑云時魏人久厭偽廷咸思眞主洎主上駐蹕在鄴以公素有威望九月補天雄軍都部署巡檢使行營蕃漢馬步使公嚴以理下犯者必誅強豪貴勢聞之凜然舊傳十二年定魏博授天雄軍都巡檢使魏有銀槍効節都專謀騷動存進沈厚果斷犯令者梟首諸軍惕息碑所云犯者必誅卽其事

新傳亦見

碑云偽將劉鄩

在莘縣日與主上對壘云云卽舊史本紀天祐十三年正月王敗劉鄩事新舊傳均沒而不言得碑可補其闕碑云十四年正月轉左廂步軍都指揮使二月權蕃漢馬步副總管聖上初收陽留留公在鎮乃拔彼濠隍增其樓堞內備旣堅羣盜尋退十五年隨駕至胡柳陂大破汴寇與舊傳十四年擢蕃漢馬步副總管從攻楊劉戰胡柳合諸書

作楊劉此碑作陽留音同文異亦可爲考古者之助碑云

十六年三月制授單于安北都護充振武節度麟勝朔等

州觀察處置營田押蕃漢等使舊傳十六年以本職兼振

武節度使碑去兼字則似已解副總管不如傳核

唐書方鎮表振

武領麟勝二州以此碑證之時又增領朔州碑云時駕幸德勝寨公作浮橋過

銳旅卽舊傳存進造橋人皆服其勤智事碑云十七年二

月就加特進檢校太保仍賜御衣鞍馬云云三月授天雄

軍馬步都指揮等使行營蕃漢馬步使仍舊按舊傳賜寶

馬御衣在進檢校太保兼魏博馬步都使上碑有月而史

無月當從碑碑云十九年正月契丹犯境鑿駕親征留公

河次以禦奸兇僞將段凝攻德勝寨公夜警晨嚴出關內

備二月以功加特進檢校太傅隴西郡開國男舊五代史

本紀十八年十二月辛未契丹寇幽州又寇定州帝自鎮  
州赴之舊傳十九年汴將王瓚率眾逼北城爲地穴火車  
百道進攻存進隨機拒應或經日不得食加檢校太傅與  
碑略同碑云鎮州有不令之臣張文禮潛通梁密構契丹  
王師攻取未下四月授北面行營都招討使無何我師未  
列彼陣先成公獨領親軍迎鋒力戰王師大捷公爲流矢  
所中終於陣年六十八新史唐本紀天祐十八年八月遣  
趙王王鎔故將符習閻寶等攻張文禮於鎮州文禮卒其  
子處瑾閉城拒守十九年閻寶敗於鎮州以李嗣昭代之  
四月嗣昭戰死以李存進代之舊五代史本紀天祐十九  
年四月己卯振武節度使李存進爲北面招討使五月乙  
酉存進圍鎮州營於東垣渡九月戊寅朔張處球悉城中

兵奄至東垣渡急攻我之壘門時騎軍已臨賊城不覺其  
出李存進惶駭引十餘人鬪於橋上賊退我之騎軍前後  
夾攻之賊眾大敗賊兵數千殆無還者是役也李存進戰  
歿於師舊傳言張處球奄至壘門存進聞之得部下數人  
出鬪驅賊於橋下俄而賊大至後軍不繼血戰而歿時年  
六十六與碑微異新傳則言晉軍以晨出芻拔爲處球所  
乘雖互有同異而存進之死實出不備碑言深入者爲諱  
耳碑云同光二年十月贈太尉新舊傳同存進以是年十  
一月葬太原縣大夏鄉鄭村東原太原縣志後唐招討使  
李存進墓碑在鄭村東原與碑合子七人漢韶漢威漢殷  
漢郇漢筠祿兒歡兒其見新舊傳者漢韶以後唐洋州節  
度降蜀卒漢英後漢絳州刺史漢筠附見舊漢英傳舊傳  
漢英

父重進賜名李存碑末夢奇自序有忝故總管令公幕下  
進當卽此碑漢殷碑十五年總管令公者李存審夢奇署前幽州節度判官者  
卽存審判官也今拓本多漫漶據五代史注補舊五代史  
李存審傳天祐十六年春代周德威爲內外蕃漢馬步總  
管二十年詔存審以本官充幽州盧龍節度使同光初加  
檢校太師中書令四月制授宣武節度使詔未至五月十  
五日卒於幽州官舍故碑曰總管令公也碑見五代史補  
注寰宇訪碑錄平津館讀碑記舊山西通志新通志金石  
記

晉

斛律王廟記

碑高四尺四寸九分廣二尺一寸一分二十四行  
行五十九字至六十七字不等正書今在絳州



創建斛律王廟記

前軍事判官朝議郎試大理評事兼監察御史張榮奉

命撰

推誠奉國保乂功臣光祿大夫檢校太保使持節絳州諸  
軍事行絳州刺史充本州防禦使兼御史大夫上柱國清  
河郡開國侯食邑一千戶張建立

我后以一着戎衣天下大定於今五載矣分宵軫慮待旦乞  
言庠營欲於嬰兒眊道德於老子 四三皇而興國何國  
不興 六五帝以化民何民不化其高也無蓋其大也無

外瑞日停中天之照榮河流徹底之清光宅寰區永寧函夏

郡主太保清河公孤成

國器獨占將星心

懸八陣之圖舌挂九天之法長城拓塞岱嶽橫空肅然三令

五申凜若秋霜冬雪力能拔象勇可捩犀貔虎宣牙足坼狼  
貪之輩蛟龍露爪瓜分鯨鯨之徒爰自 武庫開開智

囊解括劒批紫電戟削白虹弓挽六鈞晝日之蟾蜍影滿箭  
飛四羽晴天之霹靂聲高陣前無脫兔之蹤 帳外有

牽羊之跡情專拜井威重荆山幹偽朝而績用無雙樹

真主而功名第一途乃

策勲宗社旌載簡編

遺五袴於人謠

轉二天於郡守今者

恩流丹陛惠浹絳臺數年之赤壤郊圻一旦之

清風

歌頌遠比文公之教但革古今近徵杜母之名祇分先後合  
中庸之德齊上善之功土鼓污罇克致神明之享鍾雲亦雨  
不愆民望之期原盈紅腐之饒徃蕤黃沙之歎而且恪恭荒  
宇虔奉靈祠得不獲天人之祐輔者哉當州子城內正衙東

北隅有北齊季世

斛律王影堂云葬於此構諸孤墳之上矣

王諱光字明月實北齊之良輔也屈事溫國公不得志於當代屬以後主荒隕多士卷藏外則疵贅生靈內則蠹賊僞父牝殘友弟屠口慈親

王以剝口侵膚

良腓滯趾騏驎伏機舫伸千里之跼鳳凰在笱寧展九霄之翼蓋敦忠孝不難存亡繇是三諫聲高一心志切情同杜鵑無聞飲

主之規言若比干唯見喪身之患君何太

昧臣何太忠善不納而其滅宜然諍不從而其逃可也嗟乎

良哉何痛如是

公曰余聞聰明正直惟神則斯可謂神矣人曰頗有靈貺不可犯也何歲月久換廟貌不興向者民無所依神乏其祀遂

以錢音翦

鑄事隙田畷方閑乃度土工議板築雲毛聽命損幹

率從埽埴陳詞三獻能通於天地庀徒任力千夫不憚於朝  
昏幾多之塗蕘將升百堵之垣墉已立工訪周人郢匠材求  
秦梓齊梧揮斤之響亮乘風層構之噴口架日螭蟠護砌可  
言龍闔于時螭螭排梁誰謂虹藏不見磨礱鑑物剗剗通神  
鴛鴦之瓦成行垂簷若翥芙蓉之石布坐連柱疑香晚煙疑  
鞞蕤之花曉日爛文黃之色口栢盡拱依稀三洞移來錄口  
彫莢髣髴十洲化出旋乃從長近日鳴薦惟馨才聞六變之  
音俄覩

一靈之表瞿然如在卓尔同生隅目高耳若執弥縫之節瓌  
姿愠見如申謦謔之言星綴冕旒霞封寶座壁上之霓旌羽  
旒實異今朝筵中之文醴獻音罇頤殊往日怡心主祀隨革

故以永沉逆耳臣名逐

鼎新而

長在加以上叅倒影下瞰澄瀾亭亭而鼇載鴻濛屹屹而蜃  
呵窠廓鎮臨勝槩控引韶光清虛而松島含風靡麗而錦域  
鋪暖其或鶯歌媚物柳舞迎春天桃借素杏之紅岸竹接池  
荷之綠龍鱗葉密陰禮闕之間鳳雛花繁香滿帷箔之內  
覩茲壯觀真彼休禎得不福善乎得不依民乎善長民和何  
災之有鄙石言於晉地口神降於莘郊假使谷變陵移

斯靈也明齊日月任應時遷歲次

斯廟也固等乾坤則知

公事

主分憂為民求福為而不有何用不臧口幼口口知長慙待  
問俯聽

流謙之命述素賁之辭詎僭厥功直書其事時天福五年

二月十八日記

按碑見寰宇訪碑錄補山西通志古蹟考北齊斛律光墓  
在絳州子城東北隅絳州志金孫鎮斛律光廟記王之祠  
堂舊在州衙子城東北隅長慶以後守土者憫王之冤因  
卽其地而建爲影堂晉天福間刺史張廷蘊復增大之按  
鎮謂自唐以前未有廟以樊宗師  
記號爲記錄細碎無一言及也校碑言子城內正衙東

北隅有北齊斛律王影堂云葬於此構諸孤墳之上是本  
無廟又云公曰余聞聰明正直惟神則斯可謂神矣乃度  
土工議版築是廟之建自廷蘊爲絳刺始宋孫冲重刻絳  
守居園池記序略今之亭有東南者曰四望依斛律光之  
廟曰望京冲以宋咸平六年七月爲絳通判故得有光廟  
今搨本碑題前軍事判官朝議郎試大理評事兼監察御

史張朶奉命撰宋史職官志幕職試銜有大理評事監察

御史

此宋元豐前制元豐以前宋官制多因五代舊

朶系軍事判官正幕職也又

題推誠奉國保父功臣光祿大夫檢校太保行絳州刺史

充本州防禦使云云張建立而不署名以孫鎮斛律王廟

記證之知爲廷蘊五代史記張廷蘊傳開封襄邑人事晉

稍遷軍校常從莊宗征伐先登力戰金瘡滿體莊宗壯之

以爲步軍都虞候魏博三城巡檢使以破潞州功遷羽林

都指揮使申懷沂三州刺史金頴隴絳四州防禦團練使

左監門衛上將軍開運中

後晉出帝年號

以疾卒明宗以破潞之

隙終恨之故終不秉旌節按廷蘊卒開運則天福年正刺

絳時今州志闕宜据碑補按碑稱其力能拔象勇可振犀

云云與傳先登力戰合又傳云廷蘊歷七州卒之日家無

餘資則碑所謂一旦之清風歌頌者亦非虛諛按絳州後  
五代置刺史防禦使今廷蘊書銜正合絳州志有防禦使  
張廷蘊而列之天祐中以未見此碑也又碑言斛律光事  
見北齊書本傳溫國公卽北齊主緯北周所封又舊五代  
史張廷蘊傳應順中轉隴州防禦使清泰中進封清河郡  
公高祖卽位入爲右龍武統軍遷絳州防禦使少帝嗣位  
入爲左領軍衛上將軍開運三年冬以老病求歸明年卒  
舊五代史本紀天福四年四月己卯右龍武統軍張廷蘊  
爲絳州刺史五年正月辛卯升絳州爲防禦州碑立天福  
五年二月正在升防禦州後與史合冊府元龜亦言廷蘊  
性重文士故榮頌之不遺餘力

史匡翰碑



碑高七尺三寸八分廣三尺四寸九分二十八

行上頭殘闕行存六十五字行書今在太原縣

功臣義成軍節度滑濮等州觀察處置管內河隄等使起

復冠軍大將軍右金吾衛大將軍負外置同正負檢校司徒

兼御史大夫駙馬都尉上□□□□□□□□贈太保史公神

道碑銘并序

朝議郎尚書虞部員外郎知制誥臣陶穀奉勅撰

待詔朝散大夫太府卿賜紫金魚袋臣閻光遠奉

勅書

元輔蜀望帝之洪苗楚倚相之厥胤迫于戰國世為史官周

宗江漢之詞已疏王爵漢重金張之族遂寵侯封令望不衰

奇才間出長江激浪下蟠冢以方舟寶劍騰晶發□□□□

積善所宜于有後享富貴者累朝大勲不可以中微啓茅

土者數世事詳圖謀功脩鼎彝大王父諱懷清皇任安慶九府都督王父諱敬思皇任安慶九府都督顯考諱建瑋□□  
□□□□兼九府都督贈太保公即太保長子也分大白之精稟嶠山之英笑腐儒之老一經拜神妹而學五兵懷鼓篋之心行有餘力蘊飛箝之辯似不能言天祐中王室寢□□□□□陸之龍蛇竟闢生郊之戎馬成群時

□宗已合樂將旨義舉定玉帳一匡之略提金壇百勝之師戰於兩河決平多壘以公人才地望宜副頒條起家□□□□□□代州副使以勞加銀青光祿大夫檢校太子賓客兼監察御史改遼州副使兼領九府都督同光初

莊皇受命梁祚告終騏驎闢於東陵榮惑入於南斗負□□□□□雖曰一家橫戈而猛士守方未安四鄙將

邊徼特委警巡以九府都督充嵐憲朔等州都遊奕使解職  
授天雄軍牢城都指揮使遷檢校刑部尚書兼御史大夫上  
柱□□□□□□恩遠降時議為輕遙領百城仍兼九府轉  
檢校戶部尚書潯州刺史未幾改天雄軍步軍都指揮使判  
史如故明年遷侍衛彰聖馬軍都指揮使兼九府都督

□□□□□□也八

方

大定萬國來朝將寶憲於騎軍已平

敵國牧寇恂於河內俾惠一方授檢校司空懷州刺史政成

轉控鶴

都

指揮使加金紫階兼和州刺史駙馬都尉虎賁三

百□□□□□□魏闕九重謹門關於清禁圃田待理漢殿

掄材功臣旌佐國之名出牧奉專城之寄渤海守布解繩之

政化洽下車淮陰侯有授鉞之才□膺推轂謀於良師屬在

舊勲□□□□□□鷹揚之勞軾前熊伏(寧)淹豹變之期齋

壇峻而金鼓嚴麻案宣而油幢出漢壘接平陽之第禹河連  
沁水之封控梁苑之西郊殷乎威望撫國倚之遺俗綽有政  
聲當四□□□□□□命之為伯加食邑通前五百戶方司  
外禦俄迫內艱居喪爰疚於塊苦有司不避於金革

大君有命難違壽土之恩開國承家遂奉墨綬之制授  
起復冠軍□□□□□□衛大將軍負外置同正負依前充節  
度使列旌旗於衛幕再勵分憂泣風雨於梁山難勝永慕海  
運方遠峯摧若何遺封章而不忘戴君對符印而猶思擇帥  
三陽莫辯□□□□□之鍼六合至寬無處問迴生之草管  
輅慊與才之歎仲尼興有命之言名不遂而功不成生何足  
貴令其終而善其始歿且奚冤以天福七年三月十六日寢  
疾薨于鎮享年四十□□□□□人罷市年光似箭訝天道

於張弓日遞高春輟時情於相杵有

詔贈太保喪葬

之儀並從加等越明年太歲在癸卯孟夏四月二十有三日  
庚午歸葬于北京太原□□□□也銘旌前導鹵簿分行  
何須陶氏牛眠方為吉地不待滕公馬立自得佳城載惟積  
慶之家湏及莫京之胤尚 魯國大長公主車服

有容實殷帝之歸妹穠華□□□□之王姬半枯旋歎於  
未亡一慟俄聞於晝哭風飄寶匣醺成別鶴之悲塵暗粧臺  
永結孤鸞之恨嗣子四人長曰彥容宮苑使濤州刺史次曰  
彥澄彥琪並西頭供奉官幼□□□□州別駕以于公之  
陰隲門合容車以鄧氏之舊親家宜藏榮寵既隆於奕世榮  
豈讓於重侯近朝以來莫之比也嘻以 公之忠肅恭懿宣  
慈惠和求福罔回見義有勇 □□□□達招延無間於

後生不積財而□務藏書不憂家而唯思報國求諸時彥我  
無□焉宜平享大年躋極品上擊九萬里直聳一千尋而陽  
報無徵天賦有限極公侯伯子男□□□□生而無成守  
溫良恭儉讓之言得以謂歿而不朽將傳來裔期播德音合  
從魯國之褒方盡延陵之美臣才非日地職在□□仰

□□□□□功聞□家□之□德虔遵

睿

旨強綴斯文屬詞而徒罄揄揚序事而多慙漏□鞠躬抒思  
再拜銘勲將招岱岳之魂輒効楚詞之意銘曰

□□□□□惠且貞事明君兮信而誠藏策書於周

廟□証載於漢營年既謝兮時正來河方誓兮山

告頽訝陰陽而已矣歎陽報而哀哉□□□□□

□□帝鄉丹旒悠悠兮下山陽隔兩鄉

之明月 陟千里之宏壑 龜告吉兮著言威 年惟利

日其良 縈萼草於原上 揭豐碑於路旁 □兆

且白兮來翔 傳千□兮萬代 播蘭杜之芬芳

天福八年歲次癸卯六月丁未朔十四日

□威楊稠鑄字

校碑標題 闕功臣義成軍節度滑濮等州觀察處置管內

河隄等使起復冠軍大將軍右金吾衛大將軍員外置同

正員檢校司徒兼御史大夫駙馬都尉上 闕贈太保史公

碑校上字下所闕當爲匡翰勳及封上者上柱國也又碑

題尚書虞部員外郎知制誥臣陶穀奉勅撰待詔朝散大

夫太府卿賜紫金魚袋臣閻光遠奉勅書宋史陶穀傳字

秀實邠州新平人起家校書郎單州軍事判官嘗以書干

李崧崧甚重其文時和凝亦爲相同奏爲著作佐郎集賢校理改監察御史分司西京遷虞部員外郎知制誥與碑題官合舊五代史本紀開運元年七月丁丑虞部員外郎知制誥陶穀爲倉部郎中碑立天福八年開運元年之前一年也碑云大王父諱懷清皇任安慶九府都督王父諱敬思皇任安慶九府都督顯考諱建瑋兼九府都督贈太保舊五代史史建瑋傳字國寶父敬思雁門人仕郡至牙校武皇節制雁門敬思爲九府都督從入關定京師及鎮太原爲裨將中和四年六月衛從武皇入汴州舍於上源驛是夕爲汴人所攻敬思後拒血戰而沒建瑋以父廕少仕軍門光化中典昭德軍授檢校工部尚書高邑之戰加檢校左僕射收澶州以建瑋爲刺史檢校司空外牙騎軍



都將尋愿貝相二州刺史討張文禮爲流矢所中卒據碑

則自懷清至建塘皆襲九府都督史姓卽突厥阿史那氏

安慶九府者突厥諸府也碑云公卽太保長子天祐中王

室浸闕定玉帳一匡之略提金壇百勝之師戰于兩河決

平多壘按此指謂唐莊宗平兩河事以公人才地望宜副頒條起家闕

代州副使以勞加銀青光祿大夫檢校太子賓客兼監察

御史改遼州副使舊五代史匡翰傳字元輔起家襲九府

都督歷代州遼州副使檢校太子賓客與碑合碑云莊皇

受命梁祚告終特委警巡以九府都督充嵐憲朔等州都

游奕使解職授天雄軍牢城都指揮使遷檢校刑部尚書

兼御史大夫上柱闕按當爲國字及封爵仍兼九府轉檢校戶部尚

書潯州刺史未幾改天雄步軍都指揮使刺史如故明年

遷侍衛彰聖馬軍都指揮使兼九府都督舊傳白嵐憲朔  
游奕使至彰聖指揮並與碑同惟爲嵐憲朔游奕使上有  
同光初字天雄步軍指揮上有天成中字視碑不列紀年  
爲詳而檢校刑部尚書上柱國兼九府云云則又碑詳而  
傳略碑云八方大定萬國來朝此謂晉高祖代唐事舊傳  
高祖有天下授檢校司空懷州刺史其妻魯國長公主卽  
高祖之妹尋轉控鶴都指揮使兼和州刺史駙馬都尉俄  
檢校司徒鄭州防禦使未幾遷義成節度滑濮等州觀察  
處置等使丁母憂尋起復本鎮天福六年卒於鎮年四十  
詔贈太保碑有授懷州刺史轉控鶴加金紫階兼和州駙  
馬都尉文以下厯官悉不明述多以駢詞括之如云圃田  
待理出牧奉專城之寄卽爲鄭州防禦云齋壇峻而金鼓

嚴麻案宣而油幢出命之爲伯者卽爲義成節度事云漢  
壘接平陽之第禹河連沁水之封者卽謂尚主事云俄迫  
內艱者卽謂丁母憂事碑又云起復冠軍

闕 校當爲將軍右金吾字

衛大將軍員外置同正員依前充節度使則視傳爲詳金  
石萃編自檢校司徒以下諸職但以漢壘接平陽之第云  
云括之與通篇文例不合况後文云依前充節度使而前  
此實未見節度使字是撰碑時偶爾脫漏不必曲爲之說  
碑云天福七年三月十六日薨于鎮享年四十與傳合碑  
又云嗣子四人長彥容宮苑使濤州刺史次彥澄彥琪並  
西頭供奉官幼

闕

州別駕舊傳子彥容宮苑使濮單宿三

州刺史碑言宮苑使舉立碑年之官按舊五代史晉書本

紀天福二年五月庚午皇第十二妹史氏爲永壽長公主

十三妹杜氏爲樂平長公主七年九月癸巳樂平公主史氏進封魯國大長公主唐制皇姑封大長公主六月乙丑廢帝卽位史於廢帝爲姑故得爲大長公主疑前封永壽者爲樂平之訛新傳云高祖女舊傳云高祖妹自以從舊傳爲正舊史本紀天福五年十一月甲子鄭州防禦使駙馬都尉史匡翰爲義成節度使七年三月辛未滑州節度使駙馬都尉史匡翰卒輟朝贈太保與碑贈官合校碑見曝書亭集金石錄補潛研堂金石文跋尾金石萃編五代史補注

蒙山開化寺碑

碑高六尺四寸一分廣二尺九寸九分二十六行  
行六十一字正書今在太原縣西蒙山法華寺

重修蒙山開化瑤嚴閣記

觀察判官將仕郎檢校尚書戶部郎中兼侍御史賜紫金魚袋蘇禹珪奉 命撰

觀察支使朝請郎試大理司直兼殿中侍御史蘇曉□奉 命書兼篆額

太原故郡大夏名封郊野列於爰壚山川開於晉國俗通馬首坐管羊腸稱號 神京實為樂土 皇

朝鳳舉三百年之遺跡尚在

聖祖龍飛一千載之耿光斯應士馬雄盛并邑駢羅語之八都并為京也而又俗敦釋教重上方便之門人貴善根導五濁昏迷之性金繩寶樹鴈塔蜂臺大有莊嚴流光象法據傳記開化寺

北齊文宣帝天保末年鑿石通蹊依山刻像式揚震德用鎮

軋方成招提之勝因倖釋迦之真相人皆圓向時湊福田

齊後主然油萬盞光照宮內仁壽元年

隋朝造

大閣而庇尊像焉仍改為淨明寺泊

唐高祖在藩邸時至此寺瞻禮回夜夢化佛滿空毫光數丈  
登極之後復改為開化寺後顯慶二年

高宗駕至出左右行藏資緒珪玉崇嚴飾之後會昌甲子歲  
勅廢大閣露尊像雨滴風摧僅六十載化隋消无道

有汚隆明矣軋<sup>卅</sup>二年

武皇庸踞并州龍潛晉水遙奉擎天之業克安在鎬之君一  
境煙靜塵銷不修亭障千里民餘俗阜正樂豐穰或乃治兵  
閑修講武上西山而指顧登北禮於慈悲痛望真身而受霜  
露迺下人遺紉徒管內講化計口隨年錢收數百千萬緡更

有自施信財者不可勝計復造大閣焉時也擇班輸之匠物已豐多斲徂徠之松財仍蔽足既當農隙爾乃興工僱役者荷鐮如雲剡木者運斤震地工無舍夜人不知勞自乙卯至己未首尾五年蓋成大閣兼粧佛像厥功三十萬使所聚財盡矣莫不歎簇千楹星攢萬拱橫題黻黹階楯嶙峋甍宇齊平可下觀於崗險軒欄偃闕宜上摘於星辰仰之弥高觀乎尤麗萬人瞻仰祈福於茲事今五十載矣莫禁二鼠日月殷而年代移奈從四蛇高閣墮而聖儀毀非

國王

大臣之力其可再修乎遇

北平王鎮臨之五年也疆境乂安人民豐足衣錦而彰七德玉帳論兵持籌而蘊六奇金臺禮士稔穉不舉烽燧皆停暇日遊西山至開化寺焚香見閣宇傾欲佛像崩闕乃言曰縱

有僧灑掃供養豈令人喜瞻禮乎遂舍俸錢重修薦之爰求  
郢匠俾聚資財功用具充役工畢至是薦大閣五層一百三  
十間并添換瓦木文彩賁飾及閣內尊像沿寺功德護法善  
神塗金彩畫大小咸具無不畢備兼創造斗帳四間閣上二  
十四牕竹網特蓋行牆五間并諸殿宇一新其舊及置閣上  
麻網一十五扇蓋將已俸不撓人財況日給於米鹽更時頒  
於賞勞百工無怠衆役惟勤踰時而畢重新鹿苑載耀鷄園  
視高閣於凌雲悉施藻績變睟顏於淨域別顯相儀浮柱霞  
棲倬傴而生玉葉飛梁虹指岵嶠而在金田美哉翰烏煥乎  
盛矣四人依仰二衆焚修實資奉福之因允叶募緣之果  
王眎其功畢大會沙門慶讚而雷殷梵音供養而雲籠香焰  
成茲勝槩乃樹貞珉撰記仁祠覩顏主擇禹珪謬塵郊桂獲



山名不彙編卷一  
三  
廁庾蓮隨簪珥以履珠忽承明命則援毫而滌研須杼謏聞  
非敢虛辭止書實錄庶貽後代以紀芳猷大晉開運二年七  
月十二日記

興邦佐命忠力保定功臣北京留守河東節度管内觀察  
處置等使北面行營都統開府儀同三司檢校太師兼中  
書令行太原尹上柱國

北平王食邑一萬三千戶實食封二千二百戶劉知遠立石  
大元至正八年歲次戊子十月吉日轉華嚴大經僧福  
敬 尊宿僧福普 山門知事首座僧智瓊 院門提點  
僧智果 官門提點僧智山 監寺僧智友等重立石

中順大夫前叅議樞密院事內臺監察御史郭□□騰書  
核碑題觀察判官將仕郎檢校尚書戶部郎中兼侍御史

賜金魚袋蘇禹珪奉命撰觀察支使朝請郎試大理司直  
殿中侍御史蘇曉奉命書兼篆額按資治通鑑天福十二  
年二月辛未劉知遠卽皇帝位四月甲子以河東觀察判  
官蘇禹珪同平章事碑立開運二年在天福十二年前一  
年正禹珪爲察判時蘇曉見宋史以唐會要考之會昌四  
年九月中書門下奏條流諸道判官員額河東留守節度  
副使判官掌書記觀察判官支使推官北都留守判官五  
季用唐制故河東有觀察判官觀察支使碑爲後晉開運  
二年劉知遠重修開化寺閣而立碑題蒙山開化寺太平  
寰宇記并州平晉縣蒙山在縣西北十里十六國春秋前  
趙劉聰征劉琨不克略晉陽之人踰蒙山而歸卽此碑云  
語之八都并爲最也按晉陽之間有府七東京開封府西

京河南府北京太原府鄴都廣晉府晉昌軍京兆府鳳翔  
軍鳳翔府護國軍河中府太原諸府皆以置別都故碑舉  
八都當兼唐江陵府成都府言而無開封故曰八都碑云  
據傳記開化寺北齊天保年鑿石通蹊依山刻像方成招  
提之勝齊後主然油萬盞光照宮內仁壽元年隋朝造大  
閣而底尊像焉仍改爲淨明寺唐高祖登極之後復改爲  
開化寺與今太原縣志北齊天保二年建勅名開化隋仁  
壽初改名淨明唐武德二年復改開化合會昌甲子歲勅  
廢按唐會要會昌五年八月制朕聞三代以前未嘗言佛  
漢魏之後佛教寢興因緣染習蔓衍滋多勞人力於土木  
之工奪人利爲金寶之飾遺君親於師資之際違配偶於  
戒律之間壞法害人莫甚於此貞觀開元亦嘗釐革剷除

不盡流衍轉滋朕博覽前言旁求輿議弊之可革斷在不

疑其天下所拆寺四千六百餘所拆招提蘭若四萬餘所

云云此寺之毀當在四千六百之內舊唐書本紀會昌五

年七月勅併省天下佛寺卽此事

勅曰大秦穆護等祠其  
人並勒還俗如外國人

送歸本處校大秦  
西教穆護同教也

碑云乾甯二年武皇虎踞并州龍潛晉

水遙奉擎天之業克安在鎬之君上西山而指顧登北禮

於慈悲乃遣人講化計口隨年收錢數百千萬緡復造大

閣校諸書乾甯二年七月昭宗出居石門八月河東節度

使李克用進軍渭橋昭宗還京師十一月克用收邠州昭

宗慰勞克用封晉王此所謂安在鎬之君也歐史唐本紀

同光元年春三月追尊祖考爲皇帝考諡曰武故碑稱克

用爲武皇其云北平王鎮臨之五年者校諸書天福六年

劉知遠爲河東節度使北京留守至開運二年凡五年故云末題大晉開運二年七月十二日記又歐史開運元年正月甲午劉知遠爲幽州道行營招討使拜中書令封太原王二年四月封北平王通鑑開運元年八月辛丑知遠爲北面行營都統今碑末題興邦佐命忠力保定功臣北京留守河東節度觀察處置等使北面行營都統兼中書令行太原尹北平王

河東觀察太原尹節度所例兼故歐史不著

與諸書開運

元年八月以前官皆合通志金石記寶嚴閣碑劉知遠立石其奉命撰書命字皆空五格文中凡前代如齊文宣後主唐高祖高宗後唐武皇以及北平王皆跳行高一字書而大晉開運二年字則與文連接並格不空是時邊衅雖開成敗未分而知遠已侈然自尊卑視晉室若此則史稱

出帝嘗疑知遠幸晉多故而有異志非虛語也曝書亭集

蒙山石碣云入開化寺有穹碑戴額乃蘇禹珪撰莊嚴閣

記按卽此碑

通志金石記辨之爲寶嚴非莊嚴

今揭本末有大元至正八

年十月吉日僧福敬等重立石中順大夫前參議樞密院

事內臺監察御史

闕

膳書以此證之則元至正又重立碑

又按舊五代史本紀天福六年七月己巳鄴都留守劉知

遠爲太原尹充北京留守河東節度使七年七月辛丑知

遠加檢校太師八年三月癸未知遠加兼中書令開運元

年八月知遠充北面行營都統二年四月己亥知遠封北

平王皆一一與此碑合開運三年七月知遠又加守太尉

見舊紀在立此碑後禹珪舊五代史傳禹珪字元錫高密

人父仲容以儒學稱於鄉里禹珪性謙和克構父業以五

經中第辟遼州倅職歷青鄆從事轉潞并管記累檢校官  
至戶部郎中漢高祖作鎮并門辟爲兼判校史所書檢校  
戶郎與碑題合碑見新五代史補注金石萃編寰宇訪碑  
錄通志金石記

智辨造佛說上生經幢

幢高三尺八面面廣六寸記二行行字不  
一字徑四分正書今在鳳臺縣元泉寺

佛說上生經幢

額三行行二字正書

佛說上生經

正書不錄

院主沙門智辯

典座智明

天福十二年丁未歲十二月辛巳朔二十六日丙午建

此沙門智辯造佛說觀彌勒菩薩上生兜率天經無記其  
所云天福十二年則後漢高祖元年也晉高祖天福共八

年出帝改元開運至此四年矣漢建國而未有國號舍開運而稱天福十二年歐陽子以爲甚無義理

漢

禹廟碑

碑高廣皆一尺九寸二十五行行二十七字至三十字不等正書今在夏縣北十五里禹王城

重修建禹廟記

前原州司馬楊榮祚撰并書

蓋聞恢揚至聖票典籍以傳芳巨顯至仁立靈祠而彰睿聖  
遵推懿範自古昭然惟

王也天錫雄機神扶霸運體穹蒼而式地炫智略以興邦鑒  
闢山河朝海之波瀾詎阻廓清宇宙化悅而陬表俱臻惠溥  
八紘恩覃九有喜益要荒之外歡蘇夷夏之中續握乳綱克



○寧海雖更人事靡殫徽風丕績異常聲華匪墜潛禧生聚  
今往常之背乃廟立故都紹隆本址厯代綿邈殿宇翬疎鳳  
宸摧傷龍顏改翠蒸黎告奠咸不快心當縣有耆宿衛景素  
切欽崱恒懷悖敬觀之祈禱向來屢感靈應也遂啟丹誠虔  
申志願敢為標首特議建修乂募七鄉維那同希辦集乃得  
坊郭內外闔境衆村共力成持允輸勤款料茲所備皆不鼎  
差遂召良工擇時營造兼請權遷鑿輅暫綴靈朝俟以嚴飾  
徧終復還宸止於丙午歲五月二十日起手至當年九月三  
十日畢功締構周圍基局再舉宮闈炳煥像貌俄陳紺宇虹  
梁聳雲衢而耀彩雕楹繡檻對玉燭以分輝□迴崕裁光添  
勝概精穹妙麗竭智端妍壯觀部封幸仰垂祥之所護安壘  
境可形來祚之源享獻喧盈笙簧寥亮香煙霽霽與瑞霧以

同飛金竹玲瓏奏舞雩而韻響所冀彝倫獲叙稼穡滋豐山  
川無怵擾之虞仕庶有<sup>④</sup>康之慶高位益利遐邇晏安陰陽  
之道顯然育物之靈可驗感斯禎瑞如仰<sup>⑤</sup>天竊荷<sup>⑥</sup>慈纖  
無怠敬瞻朝奉真之禮薦申如在之儀刊勒貞珉廣揚餘善  
頌曩時之異德謨此日之神靈揆日窺天難窮高遠詳聰測  
智何究幽<sup>⑦</sup>榮祚叨述記詞聊旌盛美其銘曰

奇哉帝道譽振人中興詞顯德標史明功塚區蘊定山水開  
通遺慶不絕長扇英風化被昔時恩流異代精崇廟宇威靈  
覆載遐邇禱依高仞慶賴陰護黎元恒施育愛神聰聖德智  
略<sup>⑧</sup>幽聲光鎮在懿美遐流威靈密祐今昔咸周搜詞鍊石  
永播皇猷

七鄉都郵衛景都南鄉維那劉溫<sup>⑨</sup>舒張知遠馬溫魏延

暉尚延嗣陳迺李謹陳知進臺全鄉維那王虔秦暉呂景  
姚希倩吳輜牛璋陽公鄉維那劉江趙迺夏川鄉維那張  
環李贊涑水鄉維那王莒常思敏如古鄉維那郭訓晉集  
孝婦鄉維那郭虔董實師延明都料敬延遇  
時軋祐元年歲次戊申四月十五日乙未記

鐫字人韓福

按太平寰宇記陝州夏縣西北十五里夏禹臺上有禹祠

夏縣志禹王廟在縣西魏

元

太和十六年詔曰夏禹禦洪

水之災建天下之利可祀於安邑隋以伯益配唐天寶七

年

當作

載詔以虞伯益秩宗伯夷配咸通九年重修傳單作

記後漢乾祐元年重修原州司馬楊榮祚撰記按志云楊  
榮祚撰記卽據此碑碑曰廟立故都紹隆本址按今夏縣

卽夏安邑自漢至晉爲安邑縣後魏改曰北安邑太和十八年改今縣名元魏孝文詔祀於安邑及記所言廟立故都者皆謂今夏縣之廟也

今安邑後魏南安邑縣

又碑謂耆宿衛景

以廟貌凋疏屢感靈應募七鄉建修經始於丙午歲五月至九月畢功碑末列七鄉名曰都南曰臺全曰陽公曰夏川曰涑水曰如古曰孝婦皆唐五代夏縣鄉名亦見今縣志丙午者晉後主開運三年卽契丹滅晉之年縣志以爲乾祐元年修誤碑文清麗雋永酷似初唐文五代不易觀也碑見通志金石記

### 思道和尚塔銘

石高一尺四寸二分廣一尺五寸九分二十六行行二十九字至三十三字不等正書左行今在夏縣

陝府夏縣景福寺故思道和尚重修塔銘并序

山石不列通卷一  
左街講論大德守澄撰

將仕郎試秘書省正字崔靈已書

竊以理智凝然真空清淨三常妙用十号圓明默惠燭於昏  
衢起慈心於苦海究親普攝凡聖齊收五乘既貫於群生三  
藏統色於教理宏張覺路大啓②門金文演解脫之音玉偈  
讚無為之法天共仰道俗同遵咸知生死之源頗喻無為  
之本即我和尚俗姓師瑯瑯氏生巾角出家三十成道夏縣  
人和尚道高安遠德邁琳生為檀越之福田作如來之法眼  
深達了義久證菩提自然變易之身曠劫超凡之德同塵不  
滌悲濟有情現大神通無妨自在山中採木風雨送來寺內  
看經龍神護助崢嶸鹿苑巍峩鷲峯一方之瑞色長新四野  
之風光景麗名聞寰宇譽滿帝都去□德二年十二月二日

示滅其時也祥雲貫日天樂橫空異香遍於蓮宮甘露盈於  
衆木靈禽噪樹異獸啼岳悲風飄凡聖之衣血淚洒人天之  
目盡歎無生無滅皆嗟有去有來門徒弟子哀慟難攀如喪  
考妣空深歲月幾歷星霜寶塔隳殘無人再葺比續志德出  
家富寺學業諸方持念法華經聽習中觀論覩師遺跡遂發  
志誠勸化群賢重興祖塔一言道合盡自迴心摧脫塵機同  
親盛事捨財而三事體空施物而三輪清淨非上智無以發  
深誠非哲人無以崇斯善日月昏而復朗林藥變而再榮可  
以添川境之殊祥可以壯法門之嘉瑞平觀禹國坐眺鹽池  
千株之寒栢侵雲萬嶺之嵐峯掛月幾多英信歸心續玉石  
之堅數縣良能懇意給孤竹之行殊因告滿郢伎休三冀靈  
聖之照明願神祇之鑒祐况守澄也謬為釋子深昧僞功因

閑暇於禪開偶告辛於螢牖披書積學雖無閱市之名揣拙  
成文粗有褰袍之志今則既承懇□難議堅辭遂罄荒蕪聊  
為紀述誠有慙於漏落實莫脩於徽猷乃叙銘云

先師聖德 神通自然 迥超三界 而出四禪 慈悲願  
廣 覆蔭鄉川 恒為燈燭 永作舟舡 重修寶塔 勢  
聳雲煙 如山不動 似海深淵 恩霑沙界 福利人天  
遐迩歸依 萬歲千年

乾祐二年正月二日建

大漢陝州夏縣陽公鄉景福寺重建故思道和尚塔眾邑  
人記承務郎前守夏縣主簿權知縣事張廷煦將仕郎守  
夏縣主簿朱光輅隨使右教使充夏縣鎮遏使鞏信銀青  
光祿大夫前衛州司馬吳光權將仕郎試大理評事薛延

希前定州司馬康守信將仕郎試秘書省校書郎吳□□  
修塔邑維郝頭趙弘進副維郝趙弘遇都維郝布衣三命  
王文通南吳村維郝謝景塘李項程彥暉張行實張逢侯  
溫張仁遇呂彥柔薛溫楊思厚曹延密許思厚王溫吳仁  
謙吳仁緒張延義趙思柔陳稹王思溫吳洪武牛行思韓  
彥球紐延遇張思益牛贊楊思蘊周溫馬延昭史延密張  
思厚賈延密張逢張思柔蘇詮李彥暉張延福劉溫劉文  
遇王敬思郭瓊郭達郭彥溫裴彥柔尉廷密郭思柔衛思  
溫張知柔馮澄張思玫趙彥暉李寶呂項張審楊延義楊  
訓李志成張重遇張普進楊文銳張龜尉思進傅審朱達  
張柔王礼趙遷王彥璿介行恭張暉楊行周楊暉張彥暉  
張重張儒呂溫張景厚劉璿劉思厚馮行實馮暉牛重遷



張遇張弘進楊溫陳祐常延徽李行存陳敬思呂敬思陳  
延福張雅王彥溫劉達張仁密曹遇劉彥溫孫益孫延艾  
賈文端張文礼韓史延通趙延福藥彥思邑外施主閭  
詮等五丁人女弟子武氏崔氏李氏薛氏陳氏謝氏李氏  
張氏孫漸能牛暉修塔都料張紹榮弟知遠鐫字馬延義  
畫人張弘信寺主右街講經大德守嚴左街講論大德守  
澄塔院主重辯匡因僧詞趙修塔主業法華經僧志德

貞祐二年歲次己酉正月乙巳朔二日丙午建

通志金石記碑題爲大漢陝州夏縣陽公鄉景福寺重建  
故思道和尚塔銘左街講論大德守澄撰文駢儷皆彼教  
中語中稱思道以去闕德二年十二月二日示滅所闕年  
號當是龍德梁末帝貞明七年所改元稱前代云去見北

周曹恪碑特彼文云去魏大統此並梁不書爲異按陽公鄉今縣志因陽諫議得名後碑塔眾邑人記有南吳村今陽公鄉薛楊里有吳村應卽記之南吳村記內題名有夏縣主簿權知縣張廷煦守主簿朱光輅鎮遏使鞏信皆可補今志之闕碑爲試秘書正字崔虛已書

**周**

普靜舍身記

石高一尺五寸廣二尺四寸五分三十九行行三十四字至三十七字不等正書今在臨汾縣

周晉州慈雲寺長講維摩經僧普靜捨身記

右街內講論表 大德藏瑩撰

講論沙門雲謫書

經曰是身無常速朽之法須生厭患當樂堅牢弃朝形朝散

之鄉固不去不來之理從乎凡位創彼聖基行二利門越三  
祇劫功何齊於施法善莫等於焚身施法接品彙之遠因焚  
身趣菩提之迹果居凡者甚矣慕聖者鮮歟慈雲寺長講維  
摩經座主名諱普靜者俗姓茹氏家貫洪洞縣人也門昌歷  
代仁務五常貴宗支繼承王相上人幼懷聰敏宿蘊英靈  
潔若冰壺淨如水鏡自辨李之歲聚沙之年便認榮枯頓生  
厭患心思離俗情功歸真遂對二親輒形辭告今擬出家事  
佛入寺依師願勵順緣冀迺從聽父母曰汝既慕道吾何障  
留好保去心莫忘前志尋已口言下淚口拜伸辭身廻骨肉  
之前目無返顧足到伽藍之地面有頻伽庠序可觀優柔何  
正至彼寺果遇奇人即師惠澄和尚也尋從披剃頗習止持  
奉佛而合掌翹親授經而歷耳熟記口每持菩提子口常

頌維摩經應潤舊根契諸新業勲心鍊志日居月諸遽拋救  
蟻之功已守護鵝之戒才過初夏意在巡遊而西至鳳翔後  
東○鴈沼至○州已久淹講肆數易炎涼百王之教知源三  
藏之言得趣至年二十七於龍興寺講淨名經果克一乘脩  
貫○○功深天傑神機僧降俗仰有幽州僧諡進等一十二  
人先是同師修廻稟授遂請往單州前後二年講開三遍轉  
堅本志方擢初漸謂名振九衢譽聞八表積雪偷光之士遠  
逮鳬超擔簦負笈之徒朝朝鴈列又有僧○○○滿○○前  
僧衆符結多緣愍乎衆望請赴陳蔡曹亳泗州廣敷譚柄頗  
繼芳蹤歸誨喻者如病獲良醫遇提攜者似貧詣至寶真乎  
佛使迴日宗師自癸酉年至乙未歲講二十九座矣授業學  
徒三十餘人亦乃價重融生道超基倣驚人藝遠接物名高

海內僧徒孰不敬也過後 上人願遊五峯境逕札七佛師  
頗達靈蹤深融聖性道名轉愈節行更孤而又廻錫梁園志  
便講誠學人千數荷法一時龍象降心王□稽首至天福八  
年癸卯歲乃潛思故里欲擢初心撫心止以何拘指歸程而  
併切遽別 上國却返平陽俗接僧迎若唐三藏西迴之日  
朝參暮禮如竺法蘭東至之秋到舊日家園入先師房院相  
次城隍蟻湊法乳鴈行州牧檀那無不誠重是感兩寺之衆  
三學之僧請為後學摯而講也或化人指喻常濟物行慈承  
紹者多得解者衆上人每念生遇良□長□佛廕荷經施法  
□念輪環斷食田衣恩兢檀越遂發願當捨千身趣正覺源  
愍勞生苦至顯德二年乙卯歲初而遇請 佛真身入慈雲  
寺因瞻化現頓潑捐軀遂寫行藏脩陳 鈞聽幸遇

郡太傅上遵 王道傍慕佛乘是暴即潛無善不舉覽斯誠  
顛深認悛傷復念無口勝緣不可妨閑既諧本志符懿前心  
別平陽城赴廣勝寺或獻之香菓或引之幡花四衆送以徘徊  
一身去而踊躍至四月八日 真身塔前合掌竦身諦而  
告 佛言曰晉靜早發卑願志焚千身永弃凡流當樂佛果  
今焚此身以酬前願又捨此身已若生地獄中願代一切地  
獄苦若生餓鬼界願代一切餓鬼飢若生傍生中願代一切  
傍生業若生人中却願為僧還講本經亦善法義又焚一身  
當捨千身如上願成相續不斷至于菩提今焚此身是千數  
中一身也發此願已便入柴庵言切切以勸人身巍巍而踞  
火是時九天霧慘百谷雲愁二衆痛而心摧四人悲之眼口  
真不思議是未曾聞當壽六十九年計講四十三遍邑衆等

觀斯猛利盡悔心田拾前蹤以裨後學但藏瑩鹿林片葉  
象季纖埃幼無夢鳳之才素寡比人之藝迂承駢策堅遏讓  
辭既叙長能實慙小拙工鐫美石搜紀芳藪等地等天斯固  
斯永

顯德二年歲次乙卯九月丙寅朔二十八日癸巳建立

邑頭李延暉

當寺大德賜紫從沼 前寺主大德澄鑒 寺主大德庄

朗 大德義暹 內禪大德 智靜 法恩

邑人押衙充副開圻官銀青光祿大夫檢校國子祭酒兼  
御史大夫騎都尉陳延誨 張弘彥 衛延福 郭知柔

尉福謙 王道安 李密 焦諗 焦光範 高智蘊

王美

都料匠克重福

按臨汾縣志慈雲寺在城東關碑以周顯德二年僧普靜  
舍身而立所云周顯德二年宏農太傅者卽楊廷璋顯德  
者世宗年號宋史廷璋傳字溫玉真定人世宗立充宣徽  
北院使征劉崇以爲建雄節度在鎮數年頗有惠愛世宗  
自河東還加檢校太保顯德六年夏率所部入河東界下  
堡砦十三恭帝卽位加檢校太傅宋初加檢校太尉吏民  
詣闕請立碑頌功德改鎮邠州按碑立顯德二年廷璋未  
加太傅時碑稱宏農太傅者舉後加之官宏農楊氏望碑  
末所列官有押衙銀青光祿大夫檢校國子祭酒兼御史  
大夫騎都尉陳延誨按唐五代節度使下皆有押衙略如  
今各標中軍之制延誨以牙校加檢校國子祭酒名器亦



云濫矣又舊五代史本紀顯德元年三月庚子宣徽北院使楊廷璋爲晉州節度使七月廷璋加檢校太保六年六月有晉州節度楊廷璋宏農太傅卽廷璋無疑

龍泉院前後記

碑連額高四尺二寸五分廣二尺一寸二十八行行五十一字至六十七字不等正書額題勅賜龍泉禪院六字篆書今在陽城縣海會寺

大周澤州陽城縣龍泉禪院記

文林郎前守澤州司法叅軍徐綸撰

詳夫域中之制王者為尊方外之門佛則無上贅二諦而塞諸漏六度而攝羣生覺樹開花定結菩提之果慈雲布潤終消火宅之災常存而無去無來永濟而可大可久信所謂有情慈父彼岸長梁神通豈世智能窮功行將河沙詎算乃

知綿劫已往十号稱尊之聖何莫由斯道也粵白

周禎載驗漢夢有徵東流貝葉之文西仰真如之影由是人  
殄法味家飲教風斯固契彼有緣經遠無墜是廼有落髮披  
緇之士猷俗奉釋之流嚴飾精藍羅列象設或巖樓谷處或  
要路通津隨便制宜攝心化物則有焚修灑掃之敬則有誦  
持讚歎之規或施一財以求因或持半偈而取證具陳難悉  
起教多塗蓋人且識分不同而善則隨機有得噫

諸佛大權方便之門或隱或顯即色即空浩浩蕩蕩徧十  
方而包大千迎隨莫測其畔岸稱大不可思議之理者如此  
矧龍泉院者人天集福之所也耆舊相傳其來竊遠刊勒無  
寄岡究權輿一說云是院之東十數里孤峯之上有黃砂古  
祠時有一僧莫詳所自於彼祠內誦讀金剛般若之經一日

有白兔馴擾而來銜所轉經文蹶然而前去因從而追之至  
于是院之東數十步先有泉時謂之龍泉於彼泉而後止僧  
異之而感悟焉因結茆宴坐誓於其地始建剎焉亦莫究其  
年代矣人煙豈隻基址常存同靈鷲以通幽類給孤而建号  
東隣郭杜之陌前據金谷之垠既名額以未標稱郭咎而斯  
久至有唐軋寧初東蜀惠義精舍稟律沙門諱順愍振錫東  
游浮孟遠逝偶及是院遂欲棲心莫非廊廡凋殘才庇風雨  
垣墉頽擗豈限狐狸經牕塵沒以麝班藥檻草荒而地古披  
荆榛而通過路掇薇蕨以事晨飧日往月來以近及遠歸依  
者如蟻慕唱和者若蟬聯雖云興廢有時亦繫方圓住器添  
棟宇於仍舊求柱石於他山紺殿故而復新雲房卑而更起  
曲盡其妙以廣其居漸加少而為多變其質而增麗凡添新

舊屋宇并正殿等共柒拾餘間其院東龍泉後面結菴之所  
三紀已前敝認故蹟今則堙沒矣且泉之所有時人無能知  
者夫其狀也噴湧而出喻虎眼射人鯨口煦沫通注遽盈於  
溝洫奔湍若駁於風雷夏寒疑冰冬溫若沸比鏡瑩澈同醴  
甘香不獨飲酌所須可以塵垢旋滌矣愍公運心匠磨智鋒  
俾令堰作方塘漲為澄沼且嘉魚成窟拋生宛轉以隨人或  
穢觸沉波吐沫淋漓而覆水有斯靈異甚警凡患自迹及遐  
惟畏與敬而又植弱柳則扶疎而春媚種脩篁則翳蔚以冬  
青長小松為喬松接山果為家果功既崇矣景亦脩矣一日  
愍公語諸門人曰是院也厥初住持所重幽僻止期課誦以  
盡年齡敢望修崇有若斯壯麗者矣吾聞空寂者正真之本  
名言者誘化之宗如來亦假於莊嚴眠俗漸歸於方便得不

山石不參  
申請院額增飾教門者耶時

郡牧隴西公果俞革

故之謀俾建即新之号因飛牋奏遂降

勅文額

為龍泉禪院矣時唐貞元元年十月二十五日也愍公著名  
律學為衆推重住持軌則依稟宗師厯四十年終始若一至  
唐天祐十九年七月五日順寂于本院建塔於院之右門人  
上哲敬臻爰自具戒便募巡遊二十年間叅尋勝事雖素稟  
律德而還曉禪機既適道而與立或乖且殊途而同歸一致  
者也臻公道惟無礙學以了空彌緘出世之譚未即當仁之  
座爰以此院精專二食供施十方遂致五湖四海之流嚮風  
慕義而至師為一主于今僅二十年矣次日敬詮見住院于  
本縣之南次日敬謹稟氣不雜居塵自高持百部之花嚴酬  
四恩於法界而又克荷 先師之訓復稟同學之儀勅力

齊心上行下効相頌若左右手不違猶水乳和共弘利益之  
方愈有葺修之威為院主亦三十年次曰敬謙敬審等皆能  
不辜法乳水保衣珠共匡教門將俟悠久綸維桑左輔游宦  
高都以  
璠公謹公二上人嘗沐開懷許翫佳致是因  
誤有請託謂業文辭且綸壯歲已前經明登第成事本非於  
口翰片文才異於飾身遵承則雖罄於磨鉛漏略且幸逃於  
代劉將何致遠取媿貞珉

時大周開基之二載歲直壬子三月辛亥朔二十二日壬  
申記

院主敬謹 第一座匡愍 維那懷德 典座懷朗 直

歲懷悟 上足小師懷智 懷蘊 懷辯 懷堅 懷譜

懷恩 懷壽 懷海 童子小德 宜哥六兒

大周皇帝承桃之二祀震雄風佳霸業從諫諍遂賢良外則以四夷未

禮樂而敷文德考謀詢事進草澤而納芻蕘紕謬繩愆退不肖而黜邪佞皇綱既已大矣儒風又已亨矣乃有釋教爰疚辰我憲真俗而相參遂鼎革而

垂制凡曰梵宇悉去無名故九州四海之中設像棲真之所並掃地矣阮以有唐乳學元年所賜勅額時雖綿遠名仍顯著敬其驗而斯在詢其由而匪虛遂免雷同得安雲構王言間出有司無私徇之心佛法載

崇釋子遂幽棲之地盖存舊制式叶新規得非澄汰之合宜乎隆替之有時乎亦所謂主守精勤焚

修堅礧土地幽贊因緣口會者矣況是院氣壁群山勢吞百  
谷臺殿架日松檜叅雲鄙祗樹之虛名得清涼之勝槩敬其  
始而莫究考其終而無窮必與永煥釋門用為基構恐嚟盛  
觀口口貞珉俟傳於不朽者耳

顯德三年歲次丙辰九月庚寅朔七日丙申記

鄉貢進士王獻可後序并書

講上生經沙門師誠篆額

鵠字人王知謙

按山西通志金石記碑為澤州司法參軍徐綸述乾甯元  
年建院敕額之由末題大周開基之二載蓋廣順二年也  
記後有鄉貢進士王獻可後序述大周承祧之二祀凡梵  
宇悉去無名是院以有乾甯賜額得存舊五代史顯德二



年五月甲戌詔諸道縣鎮村坊有敕額寺院一切仍舊其無敕額者並仰停廢所述與史合按澤州府志龍泉寺在縣東三十里龍泉之側一名海會寺唐乾甯元年建初名郭峪院蜀僧順懋增修後郡牧李抱眞牋奏特賜額曰龍泉禪院以碑文時郡牧隴西公因飛牋奏遂降勅文額爲龍泉禪院時乾甯元年十月二十五日考之舊唐書及諸史抱眞於貞元十年六月壬寅卒不得至乾甯又抱眞於大厯十一年已自澤移潞距乾甯將百年碑所謂郡牧李公者必非抱眞五代史記李罕之傳罕之奔晉晉表罕之澤州刺史光化元年潞州薛志勤卒罕之遽入潞州執晉守將送於梁以乞兵梁太祖以罕之爲河陽節度行至懷州卒按通鑑文德元年四月李罕之爲澤州刺史領河陽

節度乾甯二年通鑑有昭義節度李罕之書其前除之官也光化二年十二月罕之據潞州李克用取澤州是自文德元年歷景福乾甯至光化皆罕之刺澤年也此郡牧卽罕之之證澤州志誤又後周大周皇帝承祧之二祀凡曰梵宇悉去無名五代史記顯德二年五月甲戌大毀佛寺禁民親無侍養而爲僧尼及私自度者五代會要周顯德二年五月六日勅條流僧尼畫一如後一諸道州府鎮村坊應有敕額者一切仍舊其無敕額者並仰停廢與此碑合後周世宗之毀佛教不至如魏太武周武帝唐武宗之甚於此碑及薛史見之陽城縣志郭峪鎮有金裏谷海會寺在谷中龍泉水繞寺出焉舊志所謂海會龍湫卽此按郭峪鎮金裏谷卽碑云郭社金谷也縣志誤以徐綸爲唐

人蓋未見搨本故碑見寰宇訪碑錄

董池聖母廟碑

碑高四尺五寸廣二尺一寸二十八行行五十四字不等正書今在聞喜縣東四十里董澤廟

大周解州聞喜縣清通鄉董池聖母廟碑記

前攝絳州絳縣主簿董玘製文

蓋聞軋坤之內覆載之中華夷共稟於虛祇君臣道合於陰陽名峯海內皆遵五嶽之祠古派寰瀛悉稽四流之宇自歷三皇之代經五帝之朝黔黎託聖德以安家万物憑陰陽以榮朽若無靈德護助固難非遇奢華濟時育物之舒蘇莫過陰光推拔之力雲飛帝管無變化而豈得潤霽地烈九州有賦輿而寧虧耒耜咸欽化日月無私混沌已來山河定矣龍神造化或廣或微廣即遍滿坤源微即如坐如芥歲歲豐

登南畝年年雨灑東臯尅獲收成盡賴神明之力斯厝也地  
居勝境鬱鬱蔡芳貞松韻神鬼之殊風古柏威龍蛇之異氣  
階前瑞草因漉而別長馨香朱檻祥花噴旃檀而自然山  
異池亭鴛鴦添佳景而富貴無涯岸發春光鶯蝶飛而吟哦  
有韻古今聲譽莫過斯神出遊即五綵飛□入駕即三牲□  
□祈求者風無損樹雨有滋苗增福壽而官秩清新益和美  
而私添稱遂伏遇

周朝聖化日月重明登寶位而垂拱万方治垓民而普霑渥  
澤剪除妖詐恩加得之神率土咸歡皆揚聖壽當屆向來  
古跡荐更加恩鄉耆啟更變之心皆起揚名之意於是衆心  
洗目求石巖巒畿內敬功鐫雕篆刻王書取樣夙夜剪裁拂  
拭金石搜吟詞頌人能齊心留記神能遍覆垂恩喜躍而恭

敬無灾怒擊而偏傷怠慢實有如斯之驗也本自洞庭之聖  
非几世之容姿離水府精閤珠宮泊錦波於晉封境董龍孝  
義皆因當日之遭逢得遇朝班並賴龍女之佐也是日也秦  
軍作乱欲擾封疆龍□銳衆之兵不下拔釐之黨故知几無  
異氣烽燧難消龍女興戰法之除匈奴旌旗旒而櫓槍絕跡輸  
忠為主國有如斯滅秦於關外之城壯晉於三山之地歐陽  
景府為當代之昌榮董澤宮城□□跡各留祠宇以顯庶  
僚犧酌慙虧民多失望唯有董池聖母貞魂常存拯黎民準  
□之成薦崇備改袂之寵靈祇罕則每點陰軍助鑾輿而□  
□遐方除患難而尅清天地致得朝綱謐詠庶俗咸安修厝  
居晉阼之前止跡於秦壇之側流傳後代祭祀無虧自大曆  
八年縣官再建雖修宮舍片石無鏤今又重立厝堂曹吳□

樣靈通甚大顯化無邊生佑昔日之君侯歿助如今之帝業  
陰兵戰勝勃逆處到便消除電擁雷駢攬搶處自然無事騷  
驚託夢薦拔湏臾乃玄象變化之星辰是人間靈通之聖事  
若無陰注陽榮何歸於萬彙也婆婆聖母尊号古今靈德叶  
慶山河得重揮雲霞地祠堂再立丹牕口裝寶髻梳而龍鬋  
爭金縷掛而鳳飛舞碰衣珠珞多穿十寶之珍臉吐輕紅艷  
棄三春之色笙竽不歇鼓瑟長播春排花發盤筵秋賽收成  
機饌人煙遠至咸湊階前井邑奔馳車軒悉至遊人償翫高  
懸禱祝之文公子停驂標名讚揚之句鳳原西側麗景名川  
獨置龍湫時添凍水不流不溢不減不無一片皎潔清波千  
里喧聲詞詠楊蒲滿岸蓮藕生心覺雨石鷺爭飛似撈鱗鮓  
出見神靈甚驗舉動無傷祭饗駢駢皆臻祀福回願幽境各

軼賊陝東連華嶠珠玉多焉面對稷峯乃是神祇之祖南橫  
峭聳賢公隱跡之巖北倚鷄足之山有晉朝將軍之衛護也  
中開水宅長分秋月之明岸立祠堂實爲龍神之地厠立千  
鶴之巖不廢祈求使四方万户之人自然仰敬長歌連騎服  
冕舞於三春執祝躬詞每願心而先啟大樹不蔽妖怪厠祠  
頻換丹彤案前乃喝水成龍壁上口駢風化鬼陰中神理無  
以倫斯五夜長發陰兵圓時每行絲雨寧口不立碑記須議  
勲功廣讚靈通再修宮室有維那呂文政副維那陳知遇等  
生居浮世恆仰神明懃恪化衆之資堅苦其崇之志鄉耆信  
士喜捨情專今已厠宇成圓乃爲頌曰

聖母威德顯化神祇龍宮龍女潄浪韶姿滅截巨水獨制鯨  
池厠居晉境分水留儀輸惠爲國戰勝秦崑標名金字宮舍

瑤璃金星還往玉女相隨乘龍駕鶴五絲奔馳輕風韻樹細  
雨如絲閣增福壽殿覆熙熙再崇祠口鑄尅神碑維郝心志  
遂近鄉耆公侯伯子文武銜題聲先四海萬古人知

顯德五年歲次戊午四月十五日丙寅樹立碑記

按碑題大周解州聞喜縣清通鄉董池聖母廟碑記攷一  
統志聞喜唐屬絳州漢乾祐元年割屬解州 本朝雍正

二年仍屬絳州以今聞喜縣考之清通鄉自縣治以東爲

清通晉裴楷言論清通遂名其里又坊里五鄉東曰清通

董氏壇廟類董父廟在城東倉底村北五代周顯德建金

天眷中縣令賈葵改正神位有記按記文據左傳董父之

文正神位爲董父

去聖母號

今此碑建於周顯德猶沿俗稱婆

神之訛名之曰聖母聞喜縣志補碑兩側有字記諸村落



之率錢者記文是駢體雖剝泐尚能考見大概云此廟於  
唐大厯八年縣官再造又云是日秦軍作亂龍女助戰又  
云歐陽景府爲當代之昌榮蓋必當時有兵變之事爲歐

陽氏所勦定景府云者唐制府兵聞喜有景山府也

新唐書地

理志絳州府三十三有景山府

又按縣志補謂絳州絳縣主將董玘製文

今揭本作前攝絳州絳縣主簿董玘製文補志誤通志金

石記漢乾祐元年河中節度李守貞反鳳翔王景崇永興

趙思綰共推守貞爲秦王所謂三鎮之亂也秦軍之叛似

指其事以碑文滅秦於關外之城壯晉於三山之地句考

之應卽指守貞之亂碑建於周顯德而討守貞之帥卽周

太祖郭威故記文以諛神者頌周

所謂歿助如今之帝業也

其曰楊蒲

滿岸蓮藕生心者亦與賈葵記沿澤而東茭蒲映水楊柳

參雲者相合又縣志董泊在縣東四十里卽舜時董父豢  
龍之所一名豢龍池宜植蓮稻裴晉公湖園趙質翁董澤  
書院皆在此按池神以水而祀後人見水爲陰靈因爲婦  
像故聖母之名著而遂昧董父豢龍之義賈葵正之爲是  
記文雖屬駢儷而堆砌滅裂一無章法五季文派體濫至  
此宋四六之所以變也

玉兔寺羅漢遺囑碑

碑高二尺廣二尺五寸三十七行行  
三十五六字不等行書今在浮山縣

大唐晉州神山縣玉兔寺現身羅漢於禪樂庵坐化遺囑

長安二年春刑部尚書李景授河東路巡撫使點檢本路諸  
州公事與副使王永曙因巡至平陽命太守錢光演會話之  
次語史君曰僕昔於萬歲通天二年仲冬之末充河東路巡

撫使巡至此郡因覩太守杜承衍示已奏表本叙話玉兔觀  
羅漢現身化道首蔡仙靈等令迴觀為寺并杜公自悟宿緣  
之事僕聞奇異亦欲至其靈域焚祝歸依用祈祥福今日再  
屆舊理重任前資喜溢卑懷復瞻勝事欲命史君同陪至彼  
祠宇求福祈恩時錢公遵奉台命欲先陪隨共至玉兔名藍  
歸依事訖遍歷觀瞻乃登迴閣四顧遠山天色晏然雲迴並  
息迴首東望遙見風穴山東白光似雪迴色如霜孤然而上  
貫青霄不動而時移轉美李王二使謂史君曰不委此山之  
東有何怪異是甚妖祥白色迴彰卓然貫碧遂便立遣急馬  
往而探之數騎奔驤人速似電行至縣東有大衛莊莊東上  
風穴山之欲半路逢樵叟樵子各擎擔斧行急空迴探馬人  
軍喝而問曰汝何行速空擔而迴此山之東有甚怪異樵叟

陳文一樵子李八兒曰今此風穴山東約數里餘有大林蔚  
下有三澗水三澗水東北山脚下有一笑白奇異之僧引十  
餘大虎頂放白光遙舒手喚樵人陳文一等來來與吾於玉  
兔寺報李尚書王太傅錢太守三人但道玉兔觀上現身者  
羅漢今在風穴山東三澗水畔東北山根禪樂庵前大林蔚  
內切要與公等相見向道交速來速來我今欲為相報李尚  
書等去事致行急不負薪來探馬人等相將樵夫二人同來  
共報李尚書等其三公侯遙相謂曰奇哉聖德奇哉聖德不  
期而喜得相遭逢肅整軍戎忙裝人馬躬親瞻礼欲見聖容  
不避駢馳情希善諭三公共到拜首庵前讚嘆歸依欲宣旨  
意時聖者語公等曰吾姓楊氏父任青州刺史心懷純善性  
愍仁慈至孝奉公每憐孤老母姓高氏常好持齋不慙不裝

朝夕事佛吾年十二愛慕空門不戀浮花志求出離私而逃  
外遠至南岳山礼大禪師七為弟子至年十六得預緇流寅  
暮修禪好勤条戒年及四載轉復堅持只於是年十一月八  
日明相初現頓然大悟便得神通飛騰往來會無滯礙山崖  
石壁江海深淵要去依心不能攔溺又以宿命智力憶者無  
量歲前出家苦行并住坐之所白兔寺基兼憶同修寺者信  
士杜承衍如想昨日似記今朝故現神通親來化導又令王  
兔觀蔡仙靈等亦識宿命捨觀為寺各求解脫復使杜公曉  
悟前因了知福果万事化訖便欲歸真又復遙覩風穴山東  
十餘大虎為孽傷人積年妖異若不降彼轉更為口故現神  
通親到伏彼尋隨順化不作灾殃今既迴邪歸正除害為祥  
聖道周圓歸真口至吾身化後勿復奢侈亦莫焚裝勿深埋

葬但於禪樂庵如在而座便感周眷故現祥光召公等來只此吾意李公等曰聖代明明當今重佛欲慈悲暫住且莫歸真容景□聞天宏揚勝事豈不善哉矣時聖者語公曰吾緣只此緣未動人他日他時自當化導公曰何時何代師當顯化聖者曰猪身化作龍龍又變成鳳走近初生月吾身示四衆公曰弟子等智淺人凡不達聖意欲尊釋說聖者舉筇遙而遠指公等復未了解再伸懇拜禮訖舉頭果見聖者端然殯逝公等滿目淚流哀情切切一依聖意只就庵中廣陳供養都監寺顯教辯才法師法昌奉台命依 聖者遺語錄寫於庵壁之左是歲季春十八日聖者歸真之際

後於清泰乙未歲正月十八日有住下獵人郭遇郭欽王思蘊徐守元等四人因趨白兔入於孔穴之內以鏹掘之

崖摧之後見有庵門閉之開門之訖得覩聖者全身如在  
復於庵壁之左又見聖者遺語恐壁壞而文隳因而重錄  
永傳不朽時顯德五年歲次戊午閏十月口日學究王福  
新記

按通志金石記引金石志略碑爲學究王福新撰在風穴

山禪藥菴後唐武德二年平陽西北今汾西地有玉兔見

遣使祭之

麟德初  
免復見

萬歲通天二年兔又見履空而行遣中

使王文恭求獲玉兔偕平陽守杜承衍躬往兔出徐步趁

之經數日兔至平陽東神山縣西南隅而隱卽隱處穿地

丈餘獲玉石兔上貢長安二年河東巡按使刑部尚書李

景副使王永暑平陽守錢光演同游觀中見一僧言此地

有虎患除之言訖而化因奏改觀音寺記後唐清泰二年

正月十八日獵人見玉兔入穴掘之見菴門啟視之容像

如生有羅漢現身記

以上節錄通志

金石記又云此與龍角山老

君事同一誕幻不經蓋其土俗習爲妖妄奸人因之以爲利耳不然老聃佛祖獨於浮山縣爲此紛紛哉今據本巡按使作巡撫使王永署作王永曙長安者武后年號當曰秋官尚書不當曰刑部尚書文亦俚俗巡撫使則中宗時嘗見舊紀可證李景與唐世祖姓名同武后時碑文誕妄不經存之爲鑒可爾碑云平陽太守錢光煥案唐志武德之年改晉州天寶元年改爲平陽郡則長安二年決無平陽太守之稱與刑部尚書均爲可疑明系王福新僞造碑見通志金石記

栖巖寺舍利殿記



碑高三尺六寸廣一尺九寸二十一  
行行三十五字行書今在永濟縣

栖巖寺新修舍利塔殿經藏記

節度掌書記將仕郎試大理司直李瑩撰

張靄書

蒲城東南十五里扼中條山登山復五里屆栖巖寺

隋武元皇帝藏舍利之塔廟也邇來因時因事或廢或興具  
諸僧史此不復載

我國家以聖繼聖武功成文德修恆思駢天下蒼生於富壽  
間其術在於擇長吏而已丙辰秋八月 詔今府主太

尉移北庭節度鎮於蒲蓋北庭之能政聞于天而蒲之疲民  
口于理也一之歲省案牘有節目不利於政者咸去之二之  
歲訪井邑有風俗無益於民者盡革之三之歲千里之地遠

者近者公者私者熙熙閑閑各遂其所屢欲揭碑表於九達  
之衢以揚府主之化理府主拯詞以止之然

方有暇於宴遊出處用示其成政也已未春登中條憩柵巖  
山水形勝盡於歷覽顧謂寮佐曰今之化人能令終夕之間  
佩服道德者甚為難事佛之垂教使无量劫出生死海登菩  
提岸較其功德實懸天地而或縱其湮沒其如何哉嗟乎佛  
之象貝去世逾遠其所遺者有舍利在今塔廟圯毀訖為平  
地我將表飾之佛之言行著于經文今依山架龕嵐氣腐潤  
匪朝依夕磨滅無睹我將嚴護之於是搜材索匠揆日僦工  
始則構高楹闢大字乃壯乃麗軒如翼如所以覆舍利也中  
則斲榱桷布龕室乃金乃碧輪焉爰焉所以藏經文也觀其  
宏敞之狀周密之功雖歷永劫無搖崩之憂次使衆生有歸

敬之地論者曰佛之大教囑于正人事立則民敬民敬則福生福生則清靜之緣結矣

今府主以是福力興斯善緣復間以少香少花一句一偈者猶獲福無量而此覆舍利藏經文之功諒百千劫中永為供養豈不以是法力助

府主之福歷百千劫亦復如是者哉瑩幸預賓階實聞時議况承

嚴命因敢直書時大周顯德六年歲次己未九月癸卯朔九日辛亥啓首謹記

輸忠保節功臣河中護國軍節度管内觀察處置等使光祿大夫檢校太尉行河中尹兼御史大夫上柱國清河郡開國侯食邑一千戶張鐸建

按永濟縣志棲巖寺有後周顯德碑卽此碑通志金石記

亦著錄碑後署輸忠保節功臣河中護國軍節度管內觀察等使光祿大夫檢校太尉行河中尹云云張鐸建宋史張鐸傳鐸河朔人少以材武隸軍籍厯官周廣順三年授鎮國節度未幾加檢校太尉世宗初移彰義顯德三年移河中尹護國軍節度宋初加檢校太師俄復鎮涇州涇州彰義軍又云雍熙三年卒碑立顯德六年九月故皆列周官校

碑云丙辰秋八月詔今府主太尉移北庭節度鎮於蒲校

丙辰顯德三年與傳顯德三年自彰義移護國合傳無月而碑有月可據碑補傳其云北庭者卽指涇原新唐書方

鎮表貞元六年涇原節度兼領安西四鎮北庭節度

按自大厯

三年馬璘以四鎮北庭行營節度鎮涇原後十二年八月辛酉除段秀實建中元年二月癸亥除朱泚皆帶此名貞元四年除劉昌後遂例帶四鎮北庭其實唐先天元年以

北庭都護領伊西節度治北庭府在今新疆濟木薩城貞

元六年北庭陷北庭行營節度之名兼領於涇原碑遂以  
涇爲北庭然以舊宣宗紀考之仍稱四鎮北庭行軍涇原  
節度是涇州領北庭者以四鎮北庭之軍至德入援者不  
能歸故鎮因以涇州節度領之得其兵不得其土固不得  
謂涇州爲北庭也碑此涇原稱北庭之由來其曰府主者  
唐人例呼節度觀察使爲府主李商隱文可證又舊五代  
史本紀顯德元年三月庚子同州節度使張鐸爲彰義節  
度使七月乙酉涇州張鐸加檢校太尉三年八月壬戌涇  
州張鐸移鎮河中六年八月壬午河中節度使檢校太尉  
張鐸加階爵所題銜皆與此碑合李瑩見續通鑑長編開  
寶六年五月戊申度支判官殿中侍御史李瑩責右贊善  
大夫卽其人又見永濟縣志

棲巖寺題記

碑從裝本錄出尺寸行  
數無稽今在永濟縣

隨使右都押衙兼內知客銀青光祿大夫檢校太子賓客兼  
殿中侍御史雲騎尉蔣（清）修造都部署

衙內都指揮使銀青光祿大夫檢校太子賓客兼侍御史飛  
騎尉張光祚

隨使押衙充都孔目官張靄書

栖巖寺傳法悟空大師賜紫惠德

經藏主大德惠緣

寺主大德希遠

修造主大德希（玄）

校碑題隨使右都押衙兼內知客銀青光祿大夫檢校太

子賓客兼殿中侍御史雲騎尉蔣允修造都部署衙內都

指揮使

階官檢校官  
兼官同蔣允

飛騎尉張光祚隨使押衙充都孔目

官張靄書校張靄已書周護國軍節度使張鐸棲巖寺新修舍利塔經藏記而無結銜碑後刻棲巖寺傳法悟空大師惠德又銜內都指揮使五代宋初方鎮多以其子爲之如石守信爲宋天平節度子保吉卽爲天平銜內指揮使之類可證宋史張鐸傳諸子不見光祚名或以避太宗原名而改

北漢

天龍寺千佛樓碑

碑連額高六尺八寸三分廣二尺七寸六分二十五行行六十七字行書額題大漢千佛樓碑六字篆書今在太原縣西南三十里天龍廟

大漢英武皇帝新建天龍寺千佛樓之碑銘

并序

推誠佐命保祚功臣特進守尚書左僕射兼中書侍郎平

章事上柱國隴西郡開國公食邑三千戶臣李 憚奉

勅撰

帝宅之西五里而遠羣山邃谷延袤擁北自軋坎南距申  
酉蒼崖峭壁怪石靈泉辟蘿陵乳竇以夏寒蒸桂嚮晴陽而  
冬綠澗溜清泚自激輕音蔓草芄茸本無毒螫洞穴竊窺煙  
嵐閑虧隔雲聞雞犬之聲度嶺接樵蘇之徑大哉氣通斗極  
崆峒帶多武之鄉地劃叅墟普野樂深思之俗况乎刑政之  
經不素霸王之器具存紀都邑即天下之浩穰養士馬即域  
中之精勇往者北齊啟國後魏興邦雖未臻偃伯之稱且咸  
正事天之位時或倦重城之宴選面勝之良游各營避暑之  
宮用愍鳴鑿之駕亦猶秦之阿旁晉之席祁楚之章華漢之  
未央古基摧構往往存焉年體歸遙率多改作蓋以翼翼都



會豪右富民因舊圖新增制惟錯於是乎金人塔廟老氏宮  
觀星布於巖石矣懿哉坤維之上舍之遙羣木陰翳竒峰  
嶒上有平址東西僅五十步北倚石壁有弥勒閣內設石像  
侍立對峙容旨溫其鑄磨之巧代不能及昔

睿宗

皇帝再將添飾功用宛然次東有池水甚潔澄湛疑碧觀之  
恐聳國人儼其堂宇偶以神位每角亢方中雷雨未施即雪  
禱咸萃矣馴嶺而下約三百步有高寺榜曰天龍一故易義  
云夫龍者潛即勿用飛即在天命之名固其宜矣

今英武皇帝應千齡之運居九重之尊比自舞象執經齒冑  
學優於庠序問安視膳□□於延闈動叶咨詢行符典則  
負尅日之辨似不能言□秤象之智果而勿伐肅肅煌煌然  
偉重知幾深不可測立德在簡平之右承家繼文武之基自

非道濟□□孝安 宗社孰能與於此乎天會中

睿宗皇帝以道□□□□□□□□□□出閭受檢校  
司徒端義府都督時年尚幼冲躬親官次寡辭敏德務簡刑  
清吏不敢欺府無留事嘗以公退休暇与叔季諸王方駕接  
軫禮謁精藍一歲之中□□□數 上獨□東序塑觀

音像一堂其内懽花騁盖供飾之用靡不嚴潔於茲日新每  
具齊禱罔不輒輒惕惕潛發明滅所志者延鴻祚於邦家弭  
裁氛於區宇因心愛敬不忘斯湏□□甚嘉羣論歸美攸是  
罷解公府特恩加檢校大保授右金吾衛大將軍充大内都  
點檢貞幹服勤中外嚴勅宣威敬事動叶

聖謨及

皇帝踐祚加

太師行太原尹階勳爵邑悉稱公□尋領

侍衛親軍事未幾值倉卒之變震駭非常

上獨執

雄斷入平內難時戊辰秋九月嗣昇

宸極立定傾危

赫然大口垂裕終古日時潔念恆切歸依每屆良晨必親

行幸至壬申年十二月二十二日

詔有司於大

殿改正面造重樓五間尋遣良冶鑄賢刼自

拘留孫如

來已降鐵佛千尊口範金審像口口口容光相圓明等無差別如是勻分龕室各安上級時

詔宣徽北院使永清

軍節度使檢校太保范超自始監修應期成就基砌柱礎廣檻飛甍丹絲相望口口口魏乎窓扇下瞰於雲端棟宇勃興於地表金鑪曉炷惟聞口荀之香玉磬晨鳴不假蓮花之漏護者曰樹超世之果圖不朽之功必依惟審之謀宜享終天之祿豈比夫望祭口口口口口禱之宮駕騁瑤池徒縱盤

游之樂者哉

上御宇之八年乙亥歲

天贊□

□義敦天柱禮叶彝章泊春末夏初累飛詔示必以脩物典  
冊將加徽號洪名□□□□□□君親之恩敬修迎受之  
禮至夏六月十六日果降貴近昭宣□容尋於正殿□□

英武皇帝兼頒龍衣御帶駟馬凋鞍別賜神旗鼓吹殊  
松異將□□□□□□衆心悅隨羣后稱慶寶函金簡揚命  
舜命禹之書馭朽持盈盡為子為臣之敬禮之大者帝載無  
窮先是 英武皇帝以今歲攝提建月□□□□□□

□□昇寒氣將退嚴勅儀衛親率公卿駕蒼虬之駢駢衣赭  
袍之熠熠雲韶寅導和樂□□□□曲之居悞居初禪之  
境臣幸陪 天仗親奉 德音既成□福□□□

□□□之祐遠茲承

詔俾誌勝緣將紀

洪猷

山名志卷之十一  
潛思秘祝時冀龍華會上側聆善囑之言星宿劫中徧覩青蓮之相歡心有待謹作銘云

覺皇遙興大教垂世成位有期壞空相繼大哉賢劫千佛重光六度万行軌躅相望浩劫迢迢一念可攝勿謂難逢聲塵相接惟彼陶唐上列參墟莓莓沃野煌煌帝居天啟亨會神輪瑞圖英武定難後來其蘇世人有作撫<sup>卽</sup>邦域治民事天允釐庥績金像玉樓伊帝之力普濟蒼生永尊皇極

廣運二年歲次乙亥八月庚子朔二十一日

翰林書令史劉守清書

翰林書令史王廷譽篆額

按碑題推誠佐命保祚功臣特進守尙書左僕射兼中書侍郎平章事上柱國隴西郡開國公李憚奉勅撰憚宋史

有傳續通鑑長編開寶三年二月丁酉北漢主以禮部侍

郎李憚爲司空同平章事太平興國四年五月北漢主劉

繼元降己丑以繼元所署司空平章事李憚爲殿中監

十國

春秋李憚傳憚字孟深汴州揚武人乾祐初第進士歷事  
睿宗父子文詞駢麗見推流輩英武帝時天龍千佛樓成  
詔憚撰碑銘而命翰林劉守清王延譽勒文於石一時無  
不歎絕卽此碑也按十國春秋李憚以左僕射兼中書同  
平章事未爲司空按碑云睿宗皇帝再將添飾以長編考之  
空與長編不合

卽孝和帝承鈞碑又云出閣受檢校司徒歸義都督加檢

校太保授右金吾大將軍充大內都點檢及皇帝踐祚加

太師行太原尹尋領侍衛親軍皆北漢主繼元之涖官以

通鑑長編考之繼恩爲太原尹選輒不治孝和帝憂之嘗

謂宰相郭無爲曰繼恩非濟世才恐不能了我家事開寶

元年七月孝和帝殂繼恩卽位九月辛卯北漢主繼恩怨

郭無爲欲逐之未果於是百官皆集繼恩置酒宴諸大臣及宗子臥閭中供奉官侯霸榮率十餘人挺刃入閭繼恩驚起霸榮以刃搥其胸殺之無爲迎立繼恩弟太原尹繼元碑所云值倉卒之變震駭非常者卽其事也曰秋九月嗣升宸極與長編合碑云今英武皇帝十國春秋廣運二年夏六月遼主冊帝爲大漢英武皇帝此繼元稱英武皇帝之證其云壬申年者卽宋開寶五年北漢天會之十六年其云詔宣徽北院使永清節度使檢校太保范超者長編開寶三年二月丁酉北漢主嬖人范超爲侍衛親軍都虞候太平興國四年四月庚午上至太原五月己卯朔督諸將攻城北漢宣徽使范超來降攻城者疑超出戰禽之以獻斬於纛下旣而北漢主盡殺超妻子梟其首投於城

外碑言宣徽北院使長編言宣徽使文詳略不同而爲宣徽使則一按諸書繼元始疑孝和后遣嬖人范超縊殺之又旋令筦禁軍領節鎮而終乃如此憚反頌之可謂無識碑末題廣運二年歲次乙亥實宋開寶八年長編開寶七年北漢主改元廣運注天會凡十年始改廣運或云十三年卽歐史蓋誤今從資治通鑑考異以劉繼禹神道碑爲正與此碑合碑爲建千佛樓而立金正隆五年智允德重修天龍寺碑有千佛大殿云云可與此碑相參證碑見曝書亭集十國春秋五代史補注金石萃編潛研堂金石跋尾寶宇訪碑錄平津讀碑記



山右石刻叢編卷十